

Date: 06.-07.10.2008
Source:

ZAVRŠENA OBUKA ZA PRIPREMU PRIJEDLOGA GRANTA Bosna i Hercegovina u zaostatku s programima

U Bihaću je 6. i 7. oktobra održana "obuka za pripremu prijedloga granta" iz programa pretprikladne pomoći Evropske unije - komponenta II prekogranična suradnja. Cilj ovog projekta je priprema zemalja zapadnog Balkana za korištenje evropskih fondova (IPA II- prekogranična suradnja) kroz regionalni projekt "jačanje institucija za prekograničnu suradnju" (CBIB). Projekt je financiran od strane EU, u suradnji s Akreditiranom regionalnom razvojnom agencijom sjeverozapadne BiH - ARDA. Obuci su prisustvovali predstavnici Vlade USK, kantonalnih ministarstava, kantonalnih institucija i ustanova, svih osam općina USK-a, javnih i privatnih poduzeća, nevladinog sektora i ostalih institucija iz regiona sjeverozapadne BiH.

Projekti BiH i Hrvatske

Vildana Zukić, ispred agencije ARDA, učesnike je upozorila na kratkoću vremena za apliciranje za sredstva iz evropskih pretpri-



● *Kada je u pitanju izrada prekograničnih projekata i aplikacija kod pretprikladnih evropskih fondova, naša zemlja je u velikom zaostatku. Ukoliko želimo uzeti dio kolača koji se nudi zemljama zapadnog Balkana moramo biti brzi i efikasni, zaključeno je na treningu u Bihaću*

tupnih fondova. Već početkom decembra ove godine otvorit će se mogućnost za apliciranje projekata i to za BiH i Hrvatsku. Do tada bi projekti, od interesa za jačanje i razvoj prekograničnih regija, trebali biti već spremni.

Rasima Bobić, ministrica poljoprivrede, vodoprivrede i šuma-

rstva USK-a, je naglasila da Vlada USK-a ovom projektu daje punu podršku ne samo moralnu već i finansijsku i stručnu. Vlada USK-a će također učestvovati u izradi projekata za prekograničnu suradnju i razvoj a uskoro bi trebao biti formiran i tim koji će okupljati i članove

lokalne zajednice. Cinjica je da BiH želi u Evropsku uniju i na tom putu moramo astrarati. Prekogranična suradnja je neminovnost. U izradi projekata prekogranične suradnje mi dobro zaostajemo i ako želimo na vrijeme dobiti sredstva iz evropskih fondova moramo požuriti.

Seminari obuke

U organizaciji CBIB tokom prošle i ove godine u regionu zapadnog Balkana održan je 21 seminar kako bi potencijalne korisnike upoznao sa instrumentom za pretprikladnu pomoć (IPA) programima prekogranične suradnje i predstojećim aktivnostima vezanim za implementaciju programa. Osam seminara organiziranih u BiH dobar su osnov za obuku interesenata, vezano za implementaciju programa o temi priprema projektnih prijedloga, procedura i regulativa Evropske komisije na osnovu kojih će se realizirati projekti koje financira EU.

/ N. Pralić

Clipping by CBIB